

## Universitätsbibliothek Paderborn

### **Historiae Ecclesiasticae Pars ...**

HISTORIAE EC||CLESIASTICAE PARS || PRIMA, QVA CONTI-||NENTVR ||  
Eusebij cognomento Pamphili Cæsareæ Palæ-||stinæ Episcopi lib. 10.||  
Eiusdem de vita Constantini magni lib. 4.|| Oratio Constantini magni ad  
sanctoru[m] cœtu[m].|| Oratio eiusdem Eusebij in laudem Constanti-||ni  
magni ad trigesimum ...

**Christopherson, John**

**[Köln], 1569**

De martyribus, quos Iustinus separato volumine commemorat. Cap. XVI.

**urn:nbn:de:hbz:466:1-29861**

, libro quem cōtra gentiles cōponebat, sic ferē cōmemorat. Iustinus omnium admiratione cum primis eximius, rectē quidem effatus est eos, quos dixi, Philosophos latronibus similes esse. Deinde vbi alia quādam de eodem hominum genere retulerit, ista addit. Crescens quidem, qui in magna illa eximiaq; vrbe domiciliū suum collocauerat: Sicut omnes nefario puerorum concubitu superauit: sic auaritiae quoq; admodū deditus fuit: qui cū alios ad mortem contemnendam esset cohortatus, ipse eandē admodū extimuit: adeò vt Iustinū ppter ea, quod dū veritatē prēdicare studebat, philosophos, helluones & veteratores esse coarguisset, morte, tanquam aliquo magno malo circumretire laboraret.

*De martyribus, quos Iustinus separato volumine com-  
memorat.*

C A P. XVI.

Iustini verò martyrii (vt docuimus) talis causā perhibetur, qui quidem in priore sua etiam Apologia anteq; martyrii certamen, quod obierat, cōmemorat, aliorum qui ante illum martyrium perpessi fuissent, facit mentionē: atq; adeo ista, quæ sequuntur, (quæ planè ad nostrum institutum non paucum accommodata putamus) narrat hoc modo. Mulier quædā cuidā viro magna lascivia diffluenti, in matrimoniu data fuit: quæ quanquā iam antea eodem intemperantiae vitio contaminata erat, tandem simul ac Christi doctrina ac præceptis erat erudita, non solum ipsa cœpit valde moderate & temperanter se gerere, sed viro etiam persuadere, vt similiter se temperantiae & vitiae modestię dederet: doctrinę præcepta, quæ didicerat, ei referre, cōmonstrareque suppliciū his, qui neque temperate, neque recta ratione vitam degunt, perpetuo & æterno igne infligendum. At ille eisdem libidinis vestigiis insistens, suorum improbè factorum turpitudine, vxoris animum abs se penitus alienauit. Nam hēc, cum in eodem lecto cum viro, qui contra naturae legem, atq; adeò contra ius fasque omne, toto pectore (vt dicitur) omnes omnino voluptatis vias instare pergebat, de reliquo cubare nefas duceret, cupiebat, lege coniugii rupta, ab illo separari.

Iust. fo.  
129.

At

## EVSEBII HISTORIAE

At postquam ab amicis qui consilium dederunt, ut adhuc, cum eo perseveraret, perinde ac vir iam spem quandam, suæ vitæ commutandæ ostentaret, dissuasa, deq; sententia depulsa est: & inuita seipsum comprimens, ad tempus, commorata. Cæterum ubi eius vir Alexandriam profectus, se maioribus sceleribus obstringere nuntiabatur, illa ne scelerum & flagitorum ab eo impiè admissorum, si in coniugio persistaret, particeps & socia fieret (præfertim cum non victus solum esset, sed tori etiam consors), dato ei libello repudiij, sic enim appellamus, penitus ab illo discessit. Honestus ille scilicet & bonus eius maritus) quem planè magnam lætitiam eò capere oportuerat, quod nō modo eius vxoris sua prauè facta, quæ ohm ebrietate, & quovis vitiorum genere effusæ exultans, cù seruis, & mercenarijs consueuisse alaci animo & prompto, consiscere, omnino exuisset, sed etiam eum eadem molestientem vehementer esset hortata, ut prorsus desisteret), honestus ille, inquam maritus, cum eius repudiasset, consilium, eam discedere cupiētem grauiter apud tuam, Maiest. accusauit, & Christianam esse afferuit. Unde illa, quidem, tibi qui nostri imperium geris, querelæ libellum obtulit: primum obtestata, ut sibi suæ rei familiaris, dispensandæ potestas permitteretur. Qua quidem ordine, semel disposita, pollicita est se deinceps criminis obiecto, responsuram. Quod quidem ei facile concessisti. Ille autem, qui eius aliquando maritus fuisset, cum nihil posset, amplius in præsentia contra eam dicere, in Ptolomæum, quendam eius in sacris literis magistrum (quem Vrbicius, præfectus graui afficiebat supplicio) omnem suam malevolentiam transfudit: idq; hac arte & fallacia, Centuriō amico suo, persuasit, ut Ptolomæum seorsum præhensum vel hoc vnum interrogaret, vtrum esset Christianus necne. Atque Ptolomæum, vt pote veritatis fato, qui animum neque fraude, neque mendaciis aliquando inquinauisset, cum se Christianum ingenuè esset, confessus, Centurio in carcerem denuò compegit, & longo temporis spatio in ea custodia illum grauiter & acerbè afflictauit. Tandem vero cum Ptolomæus ad Vrbicum adduceretur, & similiter istud solum rogaretur, ab eo,

ab eo, esset ne Christianus an non: Ipse rectè factorū cōscientiā fretus, ob amorem quo Christi doctrinam cōpletebatur, eximium diuinæ religionis, quam profitebatur, mysterium liberè denuò confessus est. Qui enim negat se esse, quem se profiteatur esse, aut certe negat quia professionem ipsam improbet, aut eam confiteri recusat, quia sibi cōscius sit, se vitam indignam illa professione, & ab eius institutis longè alienam traduxisse. Quorum neutrum in verè Christianum aliquando poterit incidere. Vrbiciū autem cum illum ad supplicium adduci præcepisset, Lucius quidam (qui etiam Christianus erat) cum iudicium adeò temere & inconsyderatē factum intelligeret, sic cōpellat, quid caußē est, cur hominem, qui neque adulterium neque stuprum, cuiquam intulerit, neque homicida, neque fur, neq; expilator sit, neque quicquam denique sceleris cōsciuisse deprehensus fuerit, sed solum Christiani nomen apertè confessus, tanta pœna multare statueris. Crede mihi Vrbici, neq; Imperatori pio decora & conuenientia, neque Philosopho Cæsaris filio digna, neque sacro Senatui congrua decernis. Tum ille nullo alio dato responso, sic Lucium alloquitur. Tu etiam ut mihi videris, ex eo numero es. Quod cum Lucius constanter assuerasset, illum itidem in cruciatum abripi mandauit. Iste permagnam se ei dñe gratiam fatebatur: nam ita se non inquis solum & improbis eiusmodi dominis liberatum fore dixit, sed etiam ad bonum patrem, & clementem regem Deum regna profecturum. Alius præterea tertius his interueniēs, ad idem supplicium subeundum adiudicatus est. Quibus sane Iustinus aptè & congruenter, eas voces, quas iam dudum memorauimus, adiungit. Et ipse equidem, expto, uti ab aliquo istorum, qui nomine duntaxat Philosophi sunt, vitæ meæ parentur insidiæ, & quæ sequuntur.

*Quinam ad nos Iustini libri peruenierint.*

CAP. XVII.

**H**ic Iustinus multa sanè & præclara sui ingenij sacra-  
rum literarum cognitione accurate informati, & in  
eisdem valdè diligenter exercitati, monumenta  
nobis